

ԱՇԽԱՐՀԻ ԲՈՒՈՐ ՀԱՅԵՐԻՆ

Հայ ժողովուրդը հին ու նոր մարդկային պատմության ամենեւնի բազմաշարժար ժողովուրդներեն մին է: Ան տոկաց շատ ու շատ ռազմաշունչ ժողովուրդներու և զորավարներու ոտնձգություններուն, պետական բարձրաստիճան գործիչներու նենգ քաղաքականությանը, կազմակերպված կամ ինքնաբերու խռովություններուն ու վերջապես 19-րդ և 20-րդ դարերի մեծագույն ցեղասպանություններուն: Հիմա ան կրկին ենթարկված է հաղածանքների ու ոչնչացումի Խորհրդային Միության սահմաններեն ներս— Լեռնային Ղարաբաղի և Ադրբեջանի որոշ շրջաններուն մեջ:

Ինչո՞ւ: Մինչև ե՞րբ:

Ես կդիմեմ աշխարհի բոլոր հայերուն, կոչ ուղղելով, որ ցուցաբերենք ավելի մեծ ակտիվություն՝ ի պաշտպանություն հայկական հարցի լուծումին: Ես ամբողջովին կգիտակցեմ, խնդրի բարդությունը, բայց և համոզված եմ, թե ան կրնա գտնել իր արդար լուծումը միայն մեր բոլորիս գործուն մասնակցությամբ: Անշուշտ, այս փուլին հարկավոր է մեր ջանքերը ուղղենք դեպի Լեռնային Ղարաբաղի և Ադրբեջանի մյուս հայաբնակ շրջաններու մեջ ծագած կոնֆլիկտի արագ ու պայմանականորեն արդար լուծումը:

Այս կոչը ուղղելու բուն առիթը ԽՍՀՄ արեգիդենտ արև. Մ. Ս. Գորբաչովի դիրքորոշումն է, որ ան արտահայտեց ԽՄԿԿ XXVIII համագումարին իր արտահայտած փակման խոսքի մեջ: «Պրավոս» թերթը իր 194-րո թվին մեջ (1990 թ. 18 հուլիսի) գրեց, թե ԽՄԿԿ Կենտկոմի գլխավոր քարտուղարը, տեղեկացնելու հետո համագումարի պատգամավորները ԼՂԻՄ-ին մեջ որոշյալ ա հայ «ազգայնամու» մարտիկներու ազրեսիվ գործողություններու մասին, գաղափար է հայտնած. համագումարը տա աու գործողություններու քաղաքական գնահատականը:

Նախագահի դիրքավորումը կտրական է, տակալն միակողմանի: Մի՞թե հիմա ամենակարևորն է «քաղաքական գնահատական» տալը այն բարո իրադարձություններու նրկատմամբ, որոնց հանդեա պարոն արեգիդենտ ցույց է տված իր կողմնակաությունը: Ժողովրդավարականորեն տրամադրված մարդկությունը, այդ թմին նաև, հուսով եմ, աշխարհի համայն հայությունը անորմե կսպասեն ռեալ քաղեր, որպեսզի կասեցվեն Հաղաստանի ու Ադրբեջանի միջև թշնամանքի նոր հրահրած այս օջախները, եթե ան իսկապես կաշխատի Խորհրդային Միության դեմոկրատացումին համար:

Հայ ժողովուրդը բազմիցս կոտորված է դարերու ընթացքին: Այդ պատճառով անոր մեծամասնությունը կիսած է վտարանդիության, գաղթականության ճակատագիր: Սակալն այդ գաղթականները այ-

սօր արդեն ուժ կներկայացնեն: Անոնք կան Ֆրանսիայի ու ԱՄՆ-ի, Իտալիայի և Կանադայի, Լիբանանի ու Արգենտինայի, Սիրիայի ու Բրազիլիայի, Հունաստանի ու Ավստրալիայի, Անգլիայի ու Եգիպտոսի, Ավստրիայի ու Գերմանիայի և, վերջապես, Պոլկարիայի մեջ: Անոնք ոչ միայն ուժով են, այլ ազատ՝ ընտրելու Լեռնային Ղարաբաղի ու Ադրբեջանի հայության հանդեպ ցուցաբերված անարդար քաղաքականության դեմ պայքարի ձևերն ու միջոցները: Ես ալ մեկն եմ այդ շատերեն ու կհամարձակիմ հարց ուղղել՝ ինչո՞ւ չձեռնարկվեցան վճռական միջոցներ խորհրդային երկրուն մեջ հայերուն հանդեպ ամենանոր ցեղասպանություն կատարողներուն դեմ, երբ Սումգայիթի, Բաքուի մեջ կոտորվեցան, խոշտանգվեցան հարյուրավոր հայեր:

Ես համոզված եմ, որ արև. Գորբաչովը չէ տեսած վերջին վտարանդի հայերը: Ես չեմ կրնար մոռանալ այս տարվա մայիսի 29-ին տեսած սրտանմիկ տեսարանը, Մոսկվայի նշանավոր Լաօարյան ճեմարանի սենյակները, միջանցքները, բակո. սանդուղիները խառնված տառաայալ ծերերու ու երիտասարդներու, այրերու ու կիներու, մայրերու ու երեխաներու տխուր ու հուսահատ դեմքերը:

Հայ եղբայրներ ու քույրեր Հայաստանեն, Խորհրդային Միությունեն ու համայն աշխարհեն, լսեցեք իմ առաջարկը. մշակենք համատեղ ընդհանուր պահանջ՝ հոված ԽՍՀՄ ժողովրդական ռեաուտատներու համագումարին և իրենց անկաես հրոչակած խորհրդային հանրապետություններու կառավարություններուն:

1. Ծանայմի 1915 թմականի թուրք կառավարության իրագործած զեղասպանությունը. ինչպես նաև Սումգայիթի (1988) և Բաքուի (1990) ցեղասպանությունները հայերու հանդեա:

2. Անհապաղ տպա ազատ ինքնորոշման իրավունք Լեռնային Ղարաբաղի Ինքնավար Մարզի բնակչությանը:

Ձեր առաջարկները և պահանջները վերոհիշյալ հարցերու վերաբերյալ ուղարկել հետևյալ հասցեին. Պոլկարիա, Սոֆիա— 1080 փող., «Նաչո Յանով», 81. «Երևան» կազմակերպություն:

Այլևս կարելի չէ սպասել: Ապագա սերունդները մեզի չպիտի ներեն, եթե այսօր բոլորս միաձայն չպահանջենք, որ լուծվեն այս խնդիրները, որոնք կենսական նշանակություն ունին հայության պահպանման ու զոյատեման համար մեր մոլորակին վրա:

Պրոֆ., դոկտոր
Մարգիս ՄԱՐԳԻՍՅԱՆ
Նախագահ պոլկարահայ «Երևան»
կազմակերպության
Սոֆիա